

OINARRI ARAUTZAILEAK

VI. PINTXO LEHIAKETA. TRAPAGARAN 2024

LEHENENGOA.- Xedea

Valle de Trápaga-Trapagarango Udaleko Merkataritza Sailak eta Baturikak –Trapagarango Merkataritza eta Ostalaritza Elkarteak, Meatzaldeko Merkataritzako Bulego Teknikoarekin lankidetzan, oinarri hauen bidez, PINTXO LEHIAKETA VI. EDIZIOaren deialdia egiten du, Valle de Trápaga-Trapagaran udalerriko ostalaritza sektorea dinamizatu eta sustatzeko.

2024ko maiatzaren 17tik ekainaren 2ra dastatu ahal izango dira pintxoak, ostiraletik igandera, 3 asteburutan zehar, herriko ostalaritza establezimenduetan, ordutegi hauetan:

- Ostiraletan, maiatzaren 17, 24 eta 31n: 19:30etik 22:00etara.
- Larunbatetan, maiatzaren 18 eta 25ean eta ekainaren 1ean: 12:30etik 15:30era eta 19:30etik 22:00etara.
- Igandetan, maiatzaren 19an eta 26an eta ekainaren 2an: 12:30etik 15:30era.

BIGARRENA.- Establezimendu parte-hartzaileak

Parte hartzea librea da eta inskripzioak ez du sortzen ezelako gasturik.

Establezimendu parte-hartzaile bakoitzak sari bat bakarrik eskuratu ahal izango du.

Barra daukan edozein ostalaritza establezimenduk har dezake parte, BATURIK-Trapagarango merkataritza eta ostalaritza elkarteko bazkide izan ala ez, dena dela daukan sailkapena edota maila (taberna, txiriboga, ostatu, kafetegi, jatetxe, etab.) eta horretarako baldintza hauek bete beharko dituzte:

- a) Ostalaritza establezimendua Valle de Trápaga-Trapagaran udalerrian egon beharko da kokatuta.
- b) Establezimenduak eratuta eta jardunean egon beharko dira oinarri hauek indarrean dauden artean.
- c) Taberna edo jatetxea izango da jarduera nagusia

HIRUGARRENA.- Inskripzioa

Parte hartu nahi duten establezimenduek, oinarri hauen edukia onartu eta betetzeko konpromisoa hartu behar dute, eta inskripzio-fitxa bete eta entregatu behar dute ezarritako epeen barruan. Interesaturiko establezimenduek Udalaren eta Baturikaren webguneetan on-line eskuragarri dauden inprimaki bat betetz egingo dute inskripzioa, 2024ko apirilaren 29ko 9:00etatik hasi eta 2024ko maiatzaren 2ko 9:00ak arte.

Izen-emate orrian lehiaketara aurkeztuko den pintxoaren izena jarri beharko da.

Oinarri hauek ez baditu betetzen, establezimendu parte-hartzailea deskalifikatuta gera daiteke 2024ko Trapagarango VI. PINTXO LEHIAKETATIK.

Informazio gehiago:

- Trapagarango Enplegu eta Herriaren Garapenerako Agentzia

Nafarroa k., 19

Tel. 94.486.31.96

- www.trapagaran.net
- www.baturiktrapagaran.com

LAUGARRENA.- Epaimahai teknikoak

Epaimahai teknikoak lehiaketaren LEHEN SARIA emango du. Bere osaketa 2024ko maiatzaren 6an emango da jakitera eta gastronomia eta jatetxe sektoreko profesional kopuru bakoiti batek osatuko du, eta irizpen hauen arabera baloratuko ditu pintxoak:

- Aurkezpena: pintxoaren muntaketa, koloreak, ikusgarritasuna eta jartzeko modua.
- Originaltasuna eta berrikuntza: proposamenaren berritasuna, asmamena eta originaltasuna.
- Zaporeen harmonia: gustua, zaporeondokoa, kontratea, ñabardurak...
- Prestaketa eta tenperatura: teknika, produktua, osagaien arteko oreka...

Epaimahaiko kideek 2024ko maiatzaren 7an dastatu eta kalifikatuko dituzte lehiaketara aurkeztutako pintxoak, data horretan aurkeztu behar baitituzte establezimendu parte-hartzaileek euren pintxoak, haien izenak eta osagaiak aipatuz.

BOSGARRENA.- Epaimahai herrikoia

Epaimahai herrikoia izango da lehiaketako BIGARREN SARIA emango duena eta haren kide izango dira pintxoak dastatu eta botoa eman nahi duten adin nagusiko bezero guztiak. Horretarako, Udaleko Tokiko Merkataritza Sailak herri guztitik banatuko dituen pintxo-ibilbideen inprimakiak erabili beharko dituzte.

Pintxo-ibilbideen inprimakiak parte hartzen duten tabernetan eta herriko gunen desberdinetan eskuratu ahal izango dira. Lehiaketan parte hartzen duten ostalaritza establezimenduetara eraman beharko da inprimaki hori, pintxoak dastatu ondoren zigilatuzko. Inprimakiak, gutxienez, erakunde antolatzaileak zehaztuko duen zigilu-kopurua eduki beharko du. Establezimendu parte-hartzaileetatik igaro ondoren, inprimakiak hautetsontzietan sar daitezke, hautatutako pintxoaren izena jarrita. Hautetsontziak parte hartzen duten tabernetan, kiroldegian eta Enplegu eta Herriaren Garapenerako Agentzian egongo dira eta haietatik aterako da epaimahai herrikoia sariak. Hautetsontziak balio ahal izateko zigilatuta egon beharko dira eta egoera onean.

Bozketa hori 2024ko maiatzaren 17tik ekainaren 3ra arte egin daiteke.

Zenbait sari zozketatuko dira parte hartzen duten bezero guztien artean. Izan ere, ongi zigilatu eta betetako inprimakien artean zozketa bat egingo da bezero irabazleak nortzuk diren jakiteko. Zozketa hori 2024ko ekainaren 5ean egingo da, goizeko 11:00etan, Enplegu eta Herriaren Garapenerako Agentzian eta erakunde hori izango da irabazleei berria emango diena.

Bezero parte-hartzaile bakoitzak sari bakar bat eskuratu ahal izango du.

SEIGARRENA.- Pintxoaren aurkezpena

Lehiaketan parte hartzen duten establezimenduek 2024ko maiatzaren 7an aurkeztu beharko dute bere pintxoak, izena eta osagaiak adieraziz, Enplegu eta Herriaren Garapenerako Agentziara, Epaimahai teknikoak dastatu eta kalifikatzeko.

Aurkeztutako pintxoak dastatzeko prest egon beharko da eta jateko baldintza ezin hobetan. Establezimendu parte-hartzaile bakoitzak pintxo bakarra aurkeztu ahal izango du eta eskuragarri egon beharko da lehiaketak dirauen data eta ordutegietan. Ezin izango da aldaketarik egin pintxoan, beti erabiliko dira osagaiak eta aurkezpen berak eta bezeroentzako eskuragarri egongo da lehiaketak dirauen egun guztietan, **gutxienez**:

- Ostiraletan, maiatzaren 17, 24 eta 31n: 19:30etik 22:00etara.
- Larunbatetan, maiatzaren 18 eta 25ean eta ekainaren 1ean: 12:30etik 15:30era eta 19:30etik 22:00etara.
- Igandetan, maiatzaren 19an eta 26an eta ekainaren 2an: 12:30etik 15:30era.

Pintxoak ez balego bezeroentzat eskuragarri ere, establezimenduak inprimakia zigilatzeke betebeharra izango du. Establezimendu parte-hartzaileak zigilu identifikatzaile bat eduki beharko du, sinadurak ez du balioko.

Pintxo guztiak egongo dira identifikatuta lehiaketak dirauen artean, haren bereizgarri batekin, zeinean osagaiak agertuko diren. Udaleko Tokiko Merkataritza Sailak emango ditu doan bereizgarri horiek, pintxo-ibilbidearen inprimakia, hautestontziak eta publizitate material guztia.

ZAZPIGARRENA.- Prezioa

Lehiaketako pintxo guztiek 1,50 euroko gehienezko prezioa izango dute.

Pintxoaren prezioa kontsumizio bati lotuta egongo da.

ZORTZIGARRENA.- Pintxo-lehiaketako sariak

Udaleko Tokiko Merkataritza Sailak eta Baturik- Trapagarango Merkataritza eta Ostalari Elkartek, honako sari hauek banatuko dituzte establezimendu parte-hartzaileen artean:

- **LEHENENGO SARIA (EPAIMAHAI TEKNIKOAREN SARIA):** diploma bat, trofeo bat, Udalak emandako 400 euroko txartela, erosketak egiteko herriko establezimenduetan eta enoesperientzientzako bono bat (1) bi pertsonentzat, Bizkaiko Txakolinaren upategietan erabiltzeko, erakunde horrek emana, 50 euroko balioa duena.
- **BIGARREN SARIA (EPAIMAHAI HERRIKOAREN SARIA):** diploma bat, trofeo bat, Udalak emandako 200 euroko txartela erosketak egiteko herriko establezimenduetan eta

enoesperientzientzako bono bat (1) bi pertsonentzat, Bizkaiko Txakolinaren upategietan erabiltzeko, erakunde horren emana, 50 euroko balioa duena.

Bi irabazleentzat (1) DEIA egunkarian argitaratuko den erreportaje bat, orrialde osokoa, lehenengo eta bigarren sarituek partekatuko dutena, 2.000 eurotan baloratua eta (2) pintxo irabazleak gomendatzeko Radio 7n egingo den publizitate-iragarki kanpaina bat, 363 eurotan baloratua, erakunde horrek eskainia.

Sari guztiak daramate BEZa barne.

Establezimendu irabazleek konpromisoa hartzen dute hilabetean (larunbat eta igandeetan), lehiaketa amaitzen denetik, pintxoak eskuragarri edukitzeko.

2024ko ekainaren 6an emango da jakitera zeintzuk izan diren Pintxo Lehiaketako establezimendu irabazleak Udalaren webgunean (www.trapagaran.net) eta Baturik-en webgunean (www.baturiktrapagaran.com).

BEDERATZIGARRENA.- Herritarren parte hartzeagatiko sariak

Zenbait sari zozketatuko dira parte hartzen duten bezero guztien artean. Izan ere, ongi zigilatu eta betetako inprimakien artean zozketa bat egingo da bezero irabazleak nortzuk diren jakiteko. Zozketa hori 2024ko ekainaren 5ean egingo da, goizeko 11:00etan, Enplegu eta Herriaren Garapenerako Agentzian eta erakunde hori izango da irabazleei berria emango diena.

Hauek izango dira sariak:

- 500 eurotan baloraturiko bi lagunentzako bazkari bat Michelin izarretako jatetxe batean, Eusko Jaurlaritzako Turismo, Merkataritza eta Kontsumo Sailak eskainia.
- 400 eurotan baloraturiko asteburuko egonaldi bat bi lagunentzat nekazal turismoko ostatu batean, Eusko Jaurlaritzako Turismo, Merkataritza eta Kontsumo Sailak eskainia.
- 150 euroko txartel bat, Udalak eskainia, erosketak egiteko herriko establezimenduetan.
- 150 euroko txartel bat, Baturik-ek eskainia, erosketak egiteko herriko establezimenduetan.
- Marqués de Vitoria ardo Verdejoaren sei (6) estutxe, irabazle bakoitzarentzako bana (1), Bersatxoa komertzialak eskainia, guztira 60 euroko balioa dutenak.
- Arrain-kontserben lau (4) sail, irabazle bakoitzarentzat bat (1), Conservas Campos-ek eskainiak, guztira 180 eurotan baloratuak.
- Txakoli instituzionalaren 2 botilako hamar (10) pakete, irabazle bakoitzarentzat bat (1), Bizkaiko Txakolinak eskainiak, guztira 250 eurotan baloratuak.
- Bizkaiko Txakolinaren upategietan erabiltzeko enoesperientzien hiru (3) bono, bi pertsonentzat, irabazle bakoitzarentzat bat (1), erakunde horrek eskainiak, guztira 150 eurotan baloratuak.

- Emakumezkoentzako hidratazio zerbitzua, IDEAS ileapaindegiak eta ACE bizartegiak eskainia, 35 eurotan baloratua.
- Xukadera-sorta bat, Gabeta Cotton-ek eskainia, 39 eurotan baloratua.
- Solarium bono bat, EDDERek eskainia, 40 eurotan baloratua.
- HOP tratamendua + orraztea, MAXIM PELUQUEROSek eskainia, 35 eurotan baloratua.
- Dermoanalisirako hitzordua eta pertsonalizatutako kosmetika-errutina, MARIA GARCIA VIVANCO parafarmaziak eskainia, 50 eurotan baloratua.

Udalak emandako goian adierazitako sariei dagokienez (zortzigarren eta bederatzigarren atalak), sarien banaketa oinarri hauetan, Dirulaguntzei buruzko Lege Orokorrean eta Dirulaguntzei buruzko Lege Orokorraren Erregelamenduan ezarritakoaren arabera arautuko da, bertan aurreikusten ez denerako. Osagarri gisa, administrazio-zuzenbideko gainerako arauak aplikatuko dira, eta, halakorik ezean, zuzenbide pribatukoak. Prozedura izapidetzeko eta ebazteko organo eskuduna Udaleko Tokiko Merkataritza Arloa izango da. Udalak emandako sariak, 840 €-ko balioa izango dutenak, 2024rako luzatutako aurrekontuetan sartutako 4310-47000 aurrekontu-partidari egotziko zaizkio. Udalak emandako sari horiek egindako gastua justifikatuz ordainduko dira. Horretarako, Udaleko Enplegu eta Toki Garapenerako Agentzian saritutako sariaren tiketak eta/edo fakturak aurkeztu beharko dira, eta dagokion egiaztapena egin ondoren, irabazlearen banku-kontuan emango da aipatutako zenbatekoa.

Parte hartzaileek Udalak emandako sari horietarako bete beharreko baldintzak: Ezin izango dute deialdietan parte hartu pertsona fisiko, juridiko edo entitateek, baldin eta horietako bakoitzean ezarritako parte hartzeko baldintza espezifikoak betetzen ez badituzte ezta Dirulaguntzei buruzko Lege Orokorraren 13. artikuluan dirulaguntzak jasotzeko ezarritako debeku-kausaren batean sartuta badaude. Era berean, parte-hartzaileek egiaztatu beharko dute egunean dituztela zerga-betebeharrak eta Gizarte Segurantzarekikoak, eta dirulaguntzak itzultzeagatiko betebeharrak ere bai, aurrekontua gauzatzeko oinarrietan ezarritako moduan.

HAMARGARRENA.- Obligazioak eta ez-betetzea

Establezimendu parte hartzaileek Udalak eskatzen dien informazio guztia emango diote, lehiaketa honen kanpainako antolatzaile den aldetik bete behar dituen eginkizunetarako eta lehiaketa honetan parte hartzea ahalbideratu dieten edozein baldintzetan unean-unean gertatu litezkeen aldaketen berri eman beharko diote.

Oinarri hauetan ezarritako baldintzak eta obligazioak ez betetzeak lehiaketatik kanporatzea ekarriko du.

HAMAIKAGARRENA.- Datuen babesa

Valle de Trápaga-Trapagarango Udalak Pintxo lehiaketa egiteko datuak bilduko ditu tokiko garapen ekonomikoa sustatzeko asmoz, Euskadiko Toki Erakundearen 2/2016 Legea eta Datuak Babesteko 3/2018 Lege Organikoaren 8. artikuluan ezarritakoaren arabera. Parte-hartzaileen eta zozketetako irabazleen datu pertsonal identifikatiboak eta irudizkoak hirugarrenei komunikatu dakizkieke udalaren hedabide eta komunikabide elektronikoaren bidez. Interesdunak datuok eskuratzeko, zuzentzeko eta kentzeko eskubidea du eta haien

tratamendua mugatzeko edo aurkaratzeko ere bai eta informazioa areagotzeko ere bai, Udalaren helbidera edo posta elektronikoa honetara idatziz dbo-dpd.trapagaran@bizkaia.org

HAMABIGARRENA.- Interpretazioa

Antolatzaileek eskubide izango dute Oinarri hauek interpretatzeko zalantzak sortzen dituzten edozein egoeratan, eta haien erabakiak behin betikotzat hartuko dira.